

Inatsisartut suleriaasianni §33 naapertorlugu aalajangiiffigisassatut siunnersuut  
Naalakkersuisut matumuuna saqqummiuppaat:

**Kalaallit Nunaanni meeqqat pillugit inatsisip Kalaallit Nunaannut atuutilersinnissaanut peqqussutissatut missingiummut aamma meeqqat pilersorneqarnerat il. il. pillugu inatsisip Kalaallit Nunaannut atuutilersinnissaanut peqqussutissatut missingiummut Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.**  
(Meeqqanut, Inuusuttunut, Ilaqtariinnut Peqqissutsimullu Naalakkersuisoq)

### **Tunngavilersuineq**

Danskit Kalaallit Nunanni akisussaaffiinik ineriertortitsilluni Danmarkimi naalakkersuisut Namminersorlutillu Oqartussat sulinerannut atatillugu peqqussutissatut missingiutit suliarineqarsimapput tassanilu meeqqanut inatsisip aamma meeqqanut akiliutit pillugit inatsisip nutarterneqarnissaat patajaallisarneqarnissaallu siunertarineqarput. Tamatumanaanaaqataaneq equtissavaa, angajoqqaanut pisinnaatitaaffit amerlanerulersillugit aamma Kalaallit Nunaanni erninernik nalunaarutinik, ataataassusermik anaanaaqataanermillu sulianik suliarinninnermi oqinnerulersitsilluni.

Meeqqanut inatsisip aamma meeqqat inatsisitigut inissisimanerat pillugu inatsisip atuutilersinnerinut meeqqat inatsisitigut inissisimanerat Kalaallit Nunaanni inatsimmi ataataassuseq meeqqanullu akiliutit pillugit inatsisit atuuttut atorunnaarsinnissaat tunngaviuvoq. Aammattaaq inatsisit taakku marluk atuutilersinnerinut katinneq appariinnerullu atorunnaarsitaanera pillugu Kalaallit Nunaannut inatsimmi meeqqanut akiliutit pillugit malittarisassat allanngortinneqarnissaat tunngaviulluni. Kiisalu eqpartuussisarneq pillugu Kalaallit Nunaannut inatsimmi ataataaneq pillugu sulianik suliarinninneq pillugu malittarisassat Kalaallit Nunaannut atuutilersinneqartussami meeqqanut inatsimmi malittarisassanut tulluarsarneqassallutik, tassunga ilanngullugit eqpartuussisarneq pillugu Kalaallit Nunaannut inatsimmi anaanaaqataaneq pillugu sulianik eqpartuussiviit suliarinnitarerat pillugu malittarisassanik imaqlarluni. Inatsisissatut siunnersuut manna inatsisik allanngortitsinernik taakkuninnga imaqlarpooq.

Peqqussummi immikkoortut pingarnerit tassaapput:

### *Anaanaaqataaneq*

Anaanaaqataaneq pillugu malittarisassat eqqunneqassapput, taamaalilluni arnat marluk peqatigiillutik meerartaarnissaq pillugu isumaqatigiissuteqarsinnaallutik, taamaalilluni arnaq ernisuunngitsoq meeqqamut anaanaaqataalerluni. Anaanaaqataaneq ataataassusertut inatsisitigut sunniuteqassaaq aamma ataataassuseq assigalugu pilersinneqassalluni. Maannakkut ataataaqataasup nalunaarsugaanissaanut periarfissaqanngilaq. Tamatumunngapissutaavoq taarsiussamut tunngasut malittarisassat atuuttut.

### *Ataataassuseq*

Ullumikkut meeqqanut inunngortunut angajoqqaajusut katissimagaangata erninermut atatillugu ataataassuseq nalunaarsorneqartarpoq. Angajoqqaat katissimanngitsut meeqqap inunngorsimaneranut upternarsaat nassarlugu politeeqarfimmukartassapput ataataassutsimillu suliamic aallartitsillutik. Taanna eqqartuussivinnut nassiunneqassaaq. Tamanna tunngavigalugu eqqartuussiviiit eqqartuussummik oqaaseqassapput, tamatuma kingorna ataataasoq ataataasutut eqqartuunneqarluni. Siumut sammisumik angajoqqaat allakkatigut nalunaarummik immersuisinnaassapput, taanna allattaavissuarnik allattuusup palasip ataataassutsip nalunaarsornissaanut atussallugu.

Ataataassuseq pillugu isumaqatigiinngitsoqarpat imaluunniit erseqqinngitsoqarpat, imaluunniit angajoqqaat ilitsersuunneqarnissamik atorfissaqartitsigunik taava Naalagaaffiup Sinniisoqarfia ilitsersuissaaq.

Politiini aamma eqqartuussivinni isumalluutit allanut atorneqarsinnaalissapput suliassanut pingaarutilinnut allanut atulerlugin, tassa Naalagaaffiup Sinniisoqarfia ataataassuseq pillugu suliut tamaasa isumaginissaannut piginnaatinneqassamat Naalagaaffiullu Sinniisoqarfiaita nammineq isumagisinnaanngisai isumaqatigiinngissutit pissutigalugit ataataassuseq pillugu suliap eqqartuussivinnut suliassanngortinnissaa kisiartaalluni aalajangiiffigisinnaassallugu.

### *Meeqqanut akiliutit:*

Meeqqamut pitsaanerpaaq eqqarsaatigalugu meeqqanut akiliutit aalajangersarneqartassapput angajoqqaallu aningasaqarnikkut atugaat eqqarsaatigineqarnatik. Meeqqanut akiliutit pillugit akiliisarnissamut isumaqatigiissutit akuereqqaarnissaat pisariaarutissaaq, kisianni pissutsit annertuumik allanngorsimapata imaluunniit isumaqatigiissut meeqqap pisariaqartitaanut akerliuppat isumaqatigiissut erseqqissumik naammaginanngitsutut missiliorneqarpat isumaqatigiissutit sanequnneqarsinnaassapput.

### *Meeqqat pilersorneqarneri*

Angajoqqaat tamarmik immikkut meeqqap pilersorneqarnissaanut pisussaaffeqartut meeqqanut akiliutit pillugit inatsimmi atuuttumi §13, imm. 1-im aamma 2-mi takuneqarsinnaavoq. Meeqqap pisariaqartitai aamma angajoqqaat inuuniarnerat eqqarsaatigalugit meeraq pilersorneqassaaq, perorsarneqassaaq aamma ilinniartinneqassaaq. Angajoqqaat arlaata meeqqamut pilersuinissamut pisussaaffimminik naammassinninngippat angajoqqaaq taanna meeqqap pilersorneranut akiliutit pillugit qulaajaaqqullugu peqquneqarsinnaavoq.

### *Meeqqat kingornussisarnermi inatsisini inissisimanerat*

Inatsisartut 2022-mi upernaakkut ataatsimiinneranni kingornussineq pillugu inatsimmut aamma toqusup qimataanik agguassineq pillugu inatsisip Kalaallit Nunaannut atuutilersinnaa pillugu peqqussutissanut missingiutinut isumaqataammata oqaatigineqassaaq. Peqqussutit atulersinneqarpata Kalaallit Nunaata aamma Danmarkip akornanni kingornussineq aamma toqusup qimataanik agguassineq pillugu inatsisinut tunngatillugu inatsisitigut ataasiussuseqassaaq.

Tamanna tunngavigalugu eqqartuussisarneq pillugu Kalaallit Nunaannit inatsimmi kapitali 26 Danmarkimi eqqartuussisarneq pillugu inatsimmi kapitali 42 a-mut naapertuutilersillugu ilusilerneqassasoq siunnersuutigineqarpoq aamma anaanaaqataaneq pillugu Kalaallit Nunaanni eqqartuussiviit sulianik suliarinnittalernissaasa malitsigisaanik eqqartuussisarneq pillugu Kalaallit Nunaannut inatsit allatigut allanngortinnejassalluni.

#### *Inatsisit allat kingunerisaannik allannguineq*

Meeqqanut inatsit pillugu peqqussutip eqqartuussisarnermi inatsimmi tulluarsaanissaq pisariaqalersissavaa, taamaattumik aamma inatsit taanna allanngortinnejassasoq siunnersuutigineqarluni, taamaallluni anaanaaqataassuseq pillugu sulianik eqqartuussiviit suliaqalersinnaalerlutik. Peqatigisaanik meeqqanut akiliutit pillugit inatsisip atuutilersinnera pissutigalugu siunnersuutigineqarluni aappariinneq pillugu peqqussummi §§42-mi aamma 45-mi meeqqanut akiliutit pillugit malittarisassat atorunnaarsinnejassasut, peqqussummi § 34, imm. 2 tamatuma kingunerisaanik iluarsineqassasoq, aamma eqqartuussisarneq pillugu Kalaallit Nunaanni inatsimmi meeqqanut akiliutit pillugit sulianik eqqartuussiviit suliarinnitarnerat pillugu §279 atorunnaarsinnejarluni.

#### **Naalakkersuisut missingiummut oqaaseqaataat**

Siunnersuutip taassuma saqqummiunneqarsinnaanera Naalakkersuisunit naammagisimaarneqarpoq, tamatuma kingunerisaanik meeqqanut inatsit aamma meeqqanut akiliutit pillugit Kalaallit Nunaannut inatsisip pisariaqartumik nutarterneqarlutik, tamanna Naalakkersuisunit qangali kissaatigineqarsimavoq.

Tamanna nuannerpoq, matumuuna siunnersuutikkut meeqqanut anaanaaqataanermullu pisinnaatitaaffit pitsaanerulersinneqarmata ataataassutsillu nalunaarsugaanissaa ajornannginnerulerluni. Inatsit taanna suliassaqarfimmi peqataasunut tamanut iluaqutaasumik sakkuusinnaasutut naatsorsuutigineqarpoq. Taamaattumik Naalakkersuisut aamma suliassaqarfimmi ingerlataqartut attuumassuteqartut peqqussutissanut missingiutit piareersarlugit suliarinerini peqataatinnejqarsimammata nuannaarutigaat.

Peqqussutissamut missingiutini suliassaqarfimmi tamani nutarterisoqarnissaa siunniunneqarpoq, inuiaqatigiinnimi ullumikkut ilaqtareeriaatsit eqqarsaatigalugit annertunerusumik inatsisinik pisariaqartitsisoqarmat tamanna nuannaarutissaavooq. Ataataassutsip nalunaarsornissaanut ajornannginnerulerlertussaammat anaanaaqataasutullu periarfissaqalertussaalluni, inooqatigiit katisimanngitsut ilaatigut pitsangoriaammik misigisaqassapput.

#### **Pisortanut aningaasaqarnikkut allaffissornikkullu sunniutissat**

Siunnersuut tunuliaqutaralugu politiini eqqartuussivinnilu suliassat ikinnerulissapput. Sinerissami politiit pisut ilaanni ilitsersuunneqarnissamut nammineq naalagaaffiup sinniisoqarfianut atassuteqarsinnaanngitsunik angajoqqaat sinnerlugit ilitsersuinermi ikiuussinnaassapput. Tamanna assersuutigalugu internetikkut atassuteqanngitsuni pisinnaassaaq. Tassunga ilanngullugu isumaqatigiinnginnerit pissutigalugit Naalagaaffiup

Sinniisoqarfiaita suliassanngortitaanik ataataassuseq pillugu sulianik taamaallaat eqqartuussiviit isumaginnilissapput.

Angajoqqaat akornanni ersernerluttoqartillugu, isumaqatigiinngitsoqartillugu allatigulluunniit isumaqatigiinngitsoqartillugu ataataassuseq pillugu ilitsersuillutillu sulianik suliarinnittussanngussammata Naalagaaffiup Sinniisoqarfiani suliassat annertussusaat qaffassapput. Aamma allattaavissuarnik allattuusoq palasi isumaqarpat qulaajaasoqarnissaa, ilitsersuisoqarnissaa imaluunniit suliap suliarineqarnissaa atorfissaqartinneqartoq sulianik isumaginnitussaassapput. Tamanna Naalagaaffiup Sinniisoqarfiaita suliassaanut allanut ajortumik kinguneqartitsisussaanngilaq aamma peqatigalugu qulaajarneqareerpoq. Allattaasivissuarnik allattoq palasi amerlanerulaartunik suliassaqalissaq.

Peqqinnissaqarfimmi sulisut, pingaartumik ernisussiortut malittarisassat nutaat malilertussaassavaat, taamaalillutik erninermut atatillugu immersugassanik quppersakkanillu naleqquttunik angajoqqaanut tunniussisinnaallutik. Isumaginninnermut utoqqarnullu ministereqarfik ilitsersuusiussaqq.

Angajoqqaat apeqqutissaqarlutik kommunimut saaffiginnitarumaarnerat ilimagineqarmat kommunit aamma ilitsersuussisarnikkut killeqartumik suliassaqartussaassapput. Kommunit ilitsersuinermanni angajoqqaat Naalagaaffiup Sinniisoqarfianut innersuullugit ikiortassavaat.

### **Namminersorlutik inuussutissarsiortunut aningaasaqarnikkut allaffissornikkullu kingunissai**

Siunnersuut namminersorlutik inuussutissarsiortunut aningaasaqarnikkut allaffissornikkulluunniit killeqartuinnarmik kinguneqassaaq. Anaanaaqataaneq eqqukkutsigu anaanaaqataasoq assersuutigalugu erninermut atatillugu, meeqqap napparsimaneranut il.il. sulinngiffeqarnissamut pisinnaatitaaffeqalernissaa aamma takkuttussaavoq. Taamaattumik namminersorlutik inuussutissarsiortunut sunniuteqartussaassaaq, anaanaaqataasorpassuilli amerlassagunarnatik.

### **Innutaaasunut aningaasaqarnikkut allaffissornikkullu kingunissai**

Siunnersuut innuttaasunut aningaasaqarnikkut allaffissornikkullu kinguneqassanngilaq. Akerlianilli innuttaasunut iluaqutasut amerlanerulissapput. Katissimangitsunut ataataassutsip nalunaarsornissaa allaffissornikkut ajornannginnerulissaaq, tassa taanna politeeqarfimmukartussajunnaassagami eqqartuussullu utaqqisussaanagu, taarsiulluguli immersugassap immersornissaa naammagisussaallugu taannalu nassiullugu. Siunnersuutip kingunerisaanik allat iluaqutasut tassaapput meeqqat inatsisitigut inisisimanagerisa pitsaanerulerneri, anaanaaqataasumut periarfissaqalersitsineq ataataassutsillu nalunaarsornissaata oqinnerulernera.

### **Tusarniaaneq**

Isumaginninnermut nunamullu namminermut ministereqarfip tusarniaaneq isumagaa tusarniaanermilu kalaallit oqartussaasui attuumassuteqartut peqataatinneqarsimapput. Siunnersuut ulloq 05. aprilimit 06. maj 2022-mut tusarniaassutigineqarpoq.

## **Ilanngussat**

1. Meeqcanut inatsisip aamma meeqcanut akiliutit pillugit inatsisip Kalaallit Nunaannut atuutilersinnissaannut kunngip peqqussutissaanut missingiummi eqikkaaneq
2. Missingiut: Meeqqat pillugit inatsisip Kalaallit Nunaannut atuutilersinneqarnissaanik peqqussut
3. Missingiut: Meeqqat pilersorneqarnerat pillugu inatsisip Kalaallit Nunaannut atuutilersinneqarnissaanik peqqussut
4. Missingiut: Meeqqat pillugit inatsisip aamma meeqqat pilersorneqarnerat pillugu inatsisip Kalaallit Nunaannut atuutilersinneqarnerisa maliltsigisaannik meeravissiartaartarnermut inatsisip, angajoqqaat akisussaanerat pillugu inatsisip aamma inatsisit assigiinngitsut allat allannguutaannik Kalaallit Nunaannut atuutilersitsinissamik peqqussut
5. Uku pillugit siunnersuummut missingiut: Meeqqat inatsiseqartitaanerannik Kalaallit Nunaanni inatsisip atorunnaarsinneqarnera pillugu inatsit aamma aappariilerneq aappariikkunnaarnerlu pillugit Kalaallit Nunaanni inatsisip, angajoqqaat akisussaanerat pillugu inatsisip aamma Kalaallit Nunaanni eqqartuussisarnermik inatsisip allanngortinneqarnissaa pillugu inatsit